

South Sotho - Pelo Mangolo - Soul Scriptures

Mattheu 11:28-30 Tloong ho nna, lona bohole ba kgathetseng, ba imelwang, mme ke tla le imolla! 29 Inkeleng joko ya ka, mme le ithute ho nna; hobane ke mosi le pelo e nolo, mme le tla fumanela meya ya lona phomolo. 30 Hobane joko ya ka e tjhatsi, le phahlo ya ka ha e na boima.

Genese 2:7 Jehova Modimo a bopa motho ka lerole la lefatshe, mme a budulela dinkong tsa hae phefumolohyo ya ho phela, mme motho ya eba moyo o phelang.

Genese 34:2,3,8 Yaba Sikeme, mora Hamore, Moheve, morena wa naha, a mmona, a mo nka, a robala le yena, a mo senya. 3 Pelo ya hae ya kgomarela Dina, moradi wa Jakobo, a rata morwetsana, mme a buisa pelo ya morwetsana. 8 Yaba Hamore o bua le bona, a re: Pelo ya mora wa ka Sikeme e kgomaretse moradi wa lona; a le keng le mo nee yena, e be mosadi wa hae.

Numere 21:4 Ba tloha thabeng ya Hore ka tsela ya Lewatle le Lefubedu, ba pota naha ya Edomo. Tseleng, setjhaba sa fellwa ke pelo, mme batho ba bua hampe ka Modimo le ka Moshe, ba re:

Deuteronomia 4:29 Teng, le tla batla Jehova, Modimo wa hao, mme o tla mo fumana, ha o ka mmatla ka pelo ya hao yohle le ka moyo wa hao wohle.

Baalodi 16:16 Yare ha a ntse a mo tshwenya ka dipolelo tsa hae ka matsatsi wohle, a ntse a mo hlodiya, pelo ya Samsone ya kgathala le ho isa lefung.

1 Samuele 18:1 Eitse hobane Davida a qetelle ho bua le Saule, pelo ya Jonathane ya holehana le pelo ya Davida, mme Jonathane a mo rata, jwalokaha a ithata.

1 Marena 1:29 Morena a hlapanya, a re: Ka Jehova ya utlwang, ya nnamoletseng tsietsing tsohle,

2 Marena 4:27 Yare ha a fihla ho monna wa Modimo, thabeng, a mo tshwara ka maoto. Gehasi a mpa a mo atamela ho mo suthisa; empa monna wa Modimo a re: Mo tlohele, hobane pelo ya hae e bohloko, mme Jehova o mpatetse, ha a ka a ntsebisa.

Jobo 7:11 Ha ho le jwalo, nke ke ka thiba molomo wa ka, empa ke tla bolela masisapelo a ka, ke dumadume ho babeng ha moyo wa ka.

Jobo 14:22 Ke bakeng sa hae feela nama ya hae e utlwang bohloko; ke bakeng sa hae a nnotshi moyo wa hae o swabang.

Jobo 19:2 Le tla nne le hlokofatse moyo wa ka, le ho nthuhakanya ka dipolelo tsa lona ho isa kae?

Jobo 27:2 Ka Modimo o phelang, o nkamohileng ho loka ha ka, le ka Ya matla wohle ya hlokofaditseng moyo wa ka,

Jobo 30:25 Kapa o re, na ke ne ke sa lle hodima ya neng a dutse tlokotsing, na moyo wa ka o ne o sa hauhele mafutsana?

- Dipesaleme 6:3,4** **moya wa ka o tshaba haholo; empa wena Jehova o isa kae?**
4Kgutla Jehova o lokolle moywa ka; o mpoloke ka baka la mohau wa hao.
- Dipesaleme 7:1,2** **Jehova, Modimo wa ka, ke balehela ho wena; o mpoloke ho bohle ba ntihorisang, mme o ntokolle; 2 esere sera sa nthusolla jwaloka tau, sa ntshetlakela ha ke hloka monamoledi.**
- Dipesaleme 17:13** **Tsoha, Jehova, o ba futuhele, o ba dihe! O mpoloke ka lerumo la hao ho bakgopo;**
- Dipesaleme 23:3** **O hlabolla moywa ka; o ntsamaEsaia mehlaleng ya ho loka, ka baka la lebitso la hae.**
- Dipesaleme 25:20** **O boloke moywa ka, o ntopolle; ke se ke ka swaba, hobane ke beile tshepo ya ka ho wena.**
- Dipesaleme 33:19** **ho holla meya ya bona lefung le ho ba phedisa mehleng ya tlala.**
- Dipesaleme 34:22** **Jehova o lopolla bophelo ba bahlanka ba hae; bohle ba mo tshepang ba ke ke ba tsuwa.**
- Dipesaleme 35:12,13** **Ke lefelwa botle ka bobe; ke lahlilwe. 13 Athen na, malwetseng a bona ka itlama ka lesela le mahwashe, ka itlhokofatsa ka ho itima dijo, ka rapela ka hlooho e kobotetseng sefubeng;**
- Dipesaleme 41:4** **Ke ne ke itse: Jehova, o nkutlwel bohloko, o fodise moywa ka, hobane ke o sitetswe.**
- Dipesaleme 42:5,11** **Moya wa ka, o hlorelang, o nyarohetseng kahare ho nna? O itshepele Modimo; ke sa tla o roka; sefahleho sa wona ke poloko. 11 Moya wa ka, o hlorelang, o nyarohetseng kahare ho nna? O itshepele Modimo; ke sa tla o roka, ke Mmoloki wa ka le Modimo wa ka. (Dipesaleme 42:6,11; 43:5)**
- Dipesaleme 56:13** **Hobane o lwetse bophelo ba ka lefung, o bolokile maoto a ka ho weng, ke tle ke tsamaye pela hao, Modimo, leseding la ba utlwang.**
- Dipesaleme 69:10** **Ha ke ntse ke lla ke itima dijo, hoo ho mphetohela nyediso;**
- Dipesaleme 69:18** **Atamela moywa ka, o o boloke; o ntopolle ka baka la boithoriso ba dira tsa ka!**
- Dipesaleme 86:13** **Hobane mohau wa hao o moholo ka nqa ho nna, mme o nyolotse moywa ka tlasetlase nqalong ya bafu.**
- Dipesaleme 97:10** **Lona ba ratang Jehova, hloyang bobe! O sirela meya ya bakgethwa ba hae, o ba namolela matsohong a ba bolotsana.**
- Dipesaleme 107:9** **hobane o kgodisitse moywa o nyorilweng, mme a sitsa moywa o lapileng ka menono.**
- Dipesaleme 116:4,8** **Empa ka rapela lebitso la Jehova, ka re: Oho Jehova, o boloke moywa wa ka! 8 Efela o ntshitse moywa wa ka lefung, le mahlo a ka dillong, le maoto a ka kgothometsehong.**
- Dipesaleme 119:28** **Moya wa ka o lliswa ke ho hlomoha; o ntsose ka lentswe la hao!**
- Dipesaleme 120:2** **Jehova, o lopolle moywa wa ka melomong e etsang leshan,**

le lelemeng le thetsang.

Dipesaleme 121:7 Jehova o tla o sireletsa bobeng bohle; o tla boloka moyo wa hao.

Dipesaleme 124:7 Moya wa rona o phonyohile jwaloka nonyana lerabeng la motshwasi; leraba le ne le kgaohe, ra phonyoha.

Dipesaleme 138:3 Eitse ha ke bitsa, wa nkaraba, wa nnatlafatsa, matla a kena moyeng wa ka.

Diproverbia 6:32 Ya febang le mosadi o feletswe ke kelello; ya etsang hoo o itimetsa moyo wa hae kasebele.

Diproverbia 22:25 esere mohlomong wa ithuta mekgwa ya hae, wa fumana leraba le ka tshwasang moyo wa hao.

Jeremia 20:13 Binelang Jehova, le rorise Jehova, hobane o namolela bophelo ba mofumanehi matsohong a ba bolotsana.

Jeremia 31:25 Hobane ke tla phodisa moyo o nyorilweng, moyo o mong le o mong o tapileng ke o kgorise.

Esekiele 13:20,21 Ha ho le jwalo, Morena Jehova o re: Ke hloile mesangwana ya lona eo le tshwasang meya ya batho ka yona, jwaloka hoja e le dinonyana; ke tla e hahola matsohong a lona, ke tle ke lokolle meya e tshwasitsweng, ke lokolle meya eo le e tshwasitseng jwaloka hoja e le dinonyana. 21 Ke tla hahola le mesamelo ya lona, ke tle ke namolele setjhaba sa ka diatleng tsa lona, mme ha se sa tla ba matsohong a lona hore se tshwaswe ke lona, le tle le tsebe hoba ke nna Jehova.

Mattheu 10:28 Le se ke la tshaba ba bolayang mmele, ba mpa ba se na matla a ho bolaya moyo; le mpe le tshabe ya nang le matla a ho bolaela moyo le mmele diheleng.

Mattheu 16:26 Hobane leha motho a ka rua lefatshe lohle, ha a timeletswe ke moyo wa hae, ekaba o ruileng ka lona na? Kapa motho moyo wa hae a ka o reka kang? (Mareka 8:36,37)

Mattheu 22:37 Jesu a re ho yena: Ke e reng: Rata Morena, Modimo wa hao, ka pelo ya hao yohle, le ka moyo wa hao wohle, le ka kgopoloyahao yohle.

Mattheu 26:38 A re ho bona: Moya wa ka o tshwerwe ka nqa tsohle ke maswabi a isang lefung; salang mona, le fadimehe le nna. (Mareka 14:34)

Mareka 12:30 mme o rate Morena, Modimo wa hao, ka pelo ya hao yohle, le ka moyo wa hao wohle, le ka kgopoloyahao yohle, le ka matla a hao wohle; ke wona molao wa pele.

Luka 12:20 Empa Modimo wa re ho yena: Lewatla tote! Ka bosiu bona, moyo wa hao o tla latwa ho wena; mme dintho tseo o di lokisitseng, e tla ba tsa mang na?

Luka 21:19 Le tla boloka meya ya lona ka sebete sa lona.

Johanne 12:27 Jwale, moyo wa ka o a sisimoha; mme ke tla reng? Na ke tla re: Ntate, o ntwele nakong ena? Empa ke yona ntho eo ke tletseng nako ena.

Diketso 14:22 ba ntse ba tiisa dipelo tsa barutuwa, ba ba kgothatsa ho tiya tumelong, mme ba ba lekanyetsa hore e ka kgonare kene mmusong wa Modimo ka matshwenyeho a mangata.

Diketso 15:24 Erekaha re utlwile hobane ba bang ba tswileng ho rona ba le tshositse ka dipolelo tsa bona, ba sisinya meya ya Iona, ba re, le bolle, mme le boloke molao, athe ha re a ka ra ba laela;

1 BaKorinthe 15:45 Jwalokaha ho ngodilwe, ho thwe: Motho wa pele, Adama, o entswe moyo o phelang, mme Adama wa morao o entswe moyo o phedisang.

1 BaThesalonika 5:23 Modimo wa kgotso, wona ka sebele, o le halaletse, o le etse ba phethehileng; kaofela ha moyo wa Iona, le ha pelo ya Iona, le ha mmele wa Iona, ho bolokelwe ho hlaheng ha Morena wa rona Jesu Kreste ho se na sekodi.

BaHeberu 6:19 Tshepo eo ho rona e ka ankora ya moyo, e tiyang, e sa sisinyeheng, e keneng ka kwana kahare ho lesira;

BaHeberu 10:39 Haele rona, ha re batho ba kwenehang ho ya timela; empa re ba tiisang tumelo ho pholosa meya ya rona.

Jakobo 1:21 Ka baka leo, lahlang ditshila tsohle le tsohle tsa lonya, mme le amohele ka bonolo lentswe le hlomilweng ka ho Iona, le tsebang ho boloka moya ya Iona.

Jakobo 5:20 eo a ke a tsebe hobane ya kgutlisitseng moetsadibe kgelohong ya hae, o pholositse moyo lefung, mme o apesitse dibe tse ngatangata.

1 Petrose 1:9 le ntse le ikgapela moputso wa tumelo ya Iona, e leng poloko ya moya ya Iona.

1 Petrose 1:22 Jwale, meya ya Iona ha e hlatswitswe ke ho utlwa nnete, hore le be le lerato la bona le se nang boiketsiso, a le ke le rataneng ka ho tiya ka pelo e hlwekileng;

1 Petrose 2:11 Baratuwa, ke a le kgothatsa jwalokaha le le basele le baeti, ke re: Tshabang ditakatso tsa nama, tse Iwantshang moya;

1 Petrose 4:19 Ka baka leo, ba utlwiswang bohloko ka ho rata ha Modimo, ba bee moya ya bona matsohong a wona, kahobane e le Mmopi ya tshepehang, mme ba nne ba tiisetse ho etsa hantle.

2 Petrose 2:7,8 mme ha o pholositse Lota, monna ya lokileng, ya neng a hlora hampe ka baka la ketso tse dihlong tsa batho bao ba manyala; 8 hobane monna eo ya lokileng, moyeng wa hae o lokileng, o ne a ntse a hloreha ka tsatsi le leng le leng, ha a ne a ahile le bona, ka baka la mesebetsi e mebe ya bona, eo a neng a e bona le eo a neng a e utlwa

3 Johanne 1:2 Moratuwa, ke rata hoba o atlehe nthong tsohle, mme o iketle mmeleng wa hao, jwalokaha moyo wa hao o atlehile.